



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Francisci Borgiae Tertij Societatis Iesv Generalis

Ribadeneyra, Pedro de

Mogvntiae, 1603

III. Pij Quinti Pont. Max. ad Aethiopiæ Patriarcham litteræ

urn:nbn:de:hbz:466:1-45256

CAPVT III.

Pij Quinti Pont. Max. ad Aethiopia Patriarcham littera.

HIS rebus ita ex sententia peractis, eo ipso anno Pius IV. vita simul & cathedra decesserat, locumque dederat Michaeli Gisserio, viro è Dominicanorum familia egregio, qui Pij Quinti nomen induit, talemque se moribus gessit. Hic etiamnum Cardinalis FRANCISCO vsus perfamiliari, & amico, postquam ad Ecclesiae clauum sedit, nihil in amando remisit: quin rebus in arduis consilium eius, & operam, frequenter adhibuit. Commodum iam è Lusitania litteræ redditæ erant, Socios in Æthiopiam legatos premi, & temporum iniquitate sudare

dare, nec proficere: præcisa
 iam spe messis colligendæ: in Ia-
 ponia vero insula, Episcopum sa-
 cris rite procurandis, in recenti
 nascentis ibi Ecclesiæ origine,
 vehementer desiderari. Obibat
 Æthiopiæ regionem è Socijs
 Andreas Ouetensis, Patriarcha:
 quem olim Iulius III. rogante
 Ioanne item III. Lusitanorum
 Rege, Episcopum crearat, vna
 cum Melchiore Carnero Lusi-
 tano. hi socij additi Ioanni Nun-
 nesio Lusitano, Patriarchæ, in
 Æthiopiam Pontificis iussu pro-
 ficiscenti, Ignatio etiam tum su-
 perstite. Dauid enim Æthiopum
 Rex, Lusitaniæ Regis opera, à
 summo Pontifice, quem in ter-
 ris Ecclesiæ caput agnosceret,
 mitti ad se rogabat, qui eam Ec-
 clesiam, in remotis Africae, sic-
 cilque terris sitam, pæne dixe-
 rim

rim relegatam, Iudaismo inquinatam (baptizantur enim Aethiopes simul, & circumciduntur) purgarent erroribus, in vitam reuocarent, rudesq; illas nationes, ac barbaras erudirent. Nunnesius Goam vix attigerat, inde in Aethiopiam cogitans, & conscendere parans, in beatorum sedes, morte simul & legatione obita, migrare iussus, locum, munusq; Patriarchæ, Andreae Ouetenti Socio, & Episcopo cessit. Nihil enim Socij præter dignitatis nomen & labores ferebant, honoribus, & commodis omnibus abdicatis. Hic simul in Aethiopiam venit à Claudio Rege, Christianorum quidem sacris imbuto, sed lento homine, nõ satis humaniter accipitur: frigide itaque rem Christianam promouit. Qui vero regnum

gnum proxime excepit, re, & nomine Adamantius, natura crudelis, & immanis, in Socios grafari, sæuire, & incurrere ferarum more instituit. Christi enim nomen extinctum cupiebat, nulla ut spes propagandi Euangelij superesset. Vinculis enim, fame inopia, & nuditate vexati Socii, aliaque incommoda, & persecutiones passi, ut solent, qui pie vivere in Christo IESU volunt. *2. Tim. 3*
 Quamobrem, iusto mox iudicio DEI, à Turcis deuicta Æthiopia, in ditionem illorum, tyrannidemque regnum incidit, vastum cætera, & incolarum multitudine frequēs. Pius Pontifex re cognita, FRANCISCO referente, Andream Patriarchā; Æthiopum furori cedere, & se ad maiora reseruare iubet; commodamque nactum nauigationem,

nem, maturime in Iaponiam
 insulam traicere: vbi multos es-
 se & nuper Christianis adscri-
 ptos audierat, qui & confirmari,
 & sacerdotio manuum imposi-
 tione inaugurari possent. An-
 dreæ, accepto Pij diplomate, in-
 iecta religio est, quam eximere
 nemo posset, quod iuberet Pon-
 tifex, tum demum Æthiopiam
 relinquere, cum salua religione
 & tuto posset, nullaque spes re-
 liqua eius Ecclesiæ iuuandæ fo-
 ret, hinc in Iaponiam insulam
 frequenter habitatam transire.
 Ille vero bene semper DEI be-
 nignitate speraret, fore vt Chri-
 sto plures lucrifaceret, & Æthio-
 pia excedere non poterat, quin
 in Turcarum aut prædonum
 manus incideret. In his itaque
 ærumnis vitã egit, diemq; clau-
 sit extremum. Melchior quoq;

Car-

Carnerus, cui par potestas tributa fuerat ordinandi, confirmandique neophytos Christianos; in Machaonem portum delatus qua Lusitaniæ naues onerariæ in Iaponiam transmittunt, rite obita legatione, & Episcopi munere, decessit è vita. Nostra quoque memoria Sebastianum Moralem, qui Prouinciæ Lusitaniæ Sociorum præpositus fuerat, Sixtus Quintus Episcopi nomine in Iaponiam legauit: sed, ut incertæ sunt mortalium res, Goæ portum nondum tenuerat, cum & ille, longæ tædio navigationis, incommodisque mortem cum vita commutauit. Adeo verum est, quod ipsi etiam male in Socios animati fatentur, dignitates Ecclesiasticas, ex Ignatij instituto, defugere Socios, aliisq; libenter concedere: labores

bores vero, pericula, mortem
denique pro Ecclesia, ad maio-
rem Dei gloriam, vltro ac liben-
ter subire.

CAPVT IV.

*Cetera in Societatem Pontificis
beneficia.*

PLURA vero exstant Pontifi-
cis vere Pij, & illis temporibus
perneceffarij, fingularia in
Socios amoris iudicia, ac bene-
uolentia. Vetere enim institu-
to, Romæ poenitentia admini-
ftri, Pontificia auctoritate, Mo-
nachi, & Sacerdotes Theolo-
gia, & canonum, linguarum di-
uerfarum periti, nodos consci-
entia: foluebant, peccatisque ex-
piabant. Magnum id Ecclesia
munus, & arduum, vt quacun-
que diuina potestate in terris
foluant. Vifum itaque Pio Pont.
quan-